

ԱՎԱՐՏԱՃԱՌԵՐԻ ՊԱՇՏՊԱՆՈՒԹՅՈՒՆ ԳԵՎՈՐԳՅԱՆ ՀՈԳԵՎՈՐ ՃԵՄԱՐԱՆՈՒՄ

Վերստին դիմում ենք գրչի հավերժացնող միջամտությանը՝ արձանագրելու Գևորգյան Հոգևոր Ճեմարանի Կոմիտասի անվան դահլիճում, սույն թվականի հոկտեմբերի 31-ին Կրեդի ունեցած ավարտաճառների բանավոր պաշտպանությունը: Քննող հանձնախումբը, գլխավորությամբ Տ. Միքայել եպս. Աջապահյանի, ինչպես միշտ, այսօր ևս ճեմարանավարտ սարկավագներից ակնկալում էր ստանալ հայ հոգևորականին պարզաճող ավարտական թեզեր:

Հուրախություն ամենքիս, պաշտպանությանը ներկայացած բոլոր սարկավագներն էլ քննական հանձնաժողովի դատին հանձնեցին հաջողված, ճեմարանական չափանիշներով գրված ավարտաճառեր, որոնցից մի քանիսը, փոքր-ինչ ճշգրտումներից ու լրացումներից հետո, արժանի են հրատարակության:

Փառք Աստծո, հայ եկեղեցականի արդյունաշատ գրիչն այսօր էլ շարունակում է նոր շունչ ու ոգի հաղորդել հայ հավատացյալին՝ իր խոսքը գրի ճանապարհով հասցնելով ընթերցասեր հանրությանը:

Աղոթենք առ Աստված, որ Մայրավանքում արդեն իսկ իրենց ծառայությանը լծված այս վեց սարկավագները մշտապես հավատարիմ մնան մեր նախնիներից մեզ ժառանգություն հասած գրին ու գրականությանը, որովհետև հայ գրքի շնորհիվ ենք ինքներս մեզ ճանաչում և դրանով իսկ ճանաչվում աշխարհից: Ծիշք այս գիտակցությամբ էր երանահիշատակ Գարեգին Ա Կաթողիկոսը վեր հանում հայ գրքի արժեքը՝ ասելով. «Կամ աշխարհէն կը գերուինք ու կը տարուինք, և կ'ամ աշխարհին մէջ, աշխարհին հետ ըլլալով հանդերձ, կը պահենք մեր հայութեան փրկական ինքնութիւնը հայ գիրքի հսկայագոր ներգործութեամբը, որովհետև անմահ բանաստեղծին՝ Պարոյր Սևակին անմահական բառերով.

Եթէ փրկել ենք, լոկ մեր գրքերով»:

Այս պաշտպանությանն իրենց ավարտաճառերը ներկայացրեցին և հանձնաժողովի դրական գնահատականին արժանացան.

Խաչիկ սարկավագ Ավետիսյան, «Հովհաննես Երզնկացի-Ծործորեցի վարդապետ» (ղեկավար՝ Գնել Գրիգորյան).

Արարյոմ սարկավագ Ավետիսյան, «Ղարաքիլիսիայի Սուրբ Աստվածածին եկեղեցին և ծխական դպրոցը» (ղեկավար՝ Վարդան Դևրիկյան).

Նարեկ սարկավագ Հակոբյան, «Նոր Զուղան և Մայր Աթոռ Սուրբ Էջմիածինը» (ղեկավար՝ Հրաչ Միրզոյան).

Հովհաննես սարկավագ Բաղդասյան, «Պողոս վարդապետ Տարոնացու «Ընդդէմ Թեոպիստեայ» թղթի աստվածաբանությունը» (ղեկավար՝ Հակոբ Բյուսեյան).

Կարեն սարկավագ Քարամյան, «Մայր Աթոռ Սուրբ Էջմիածինը և Շահամիրյանները» (ղեկավար՝ Պողոս Խաչատրյան).

Ծերուն սարկավագ Մկրտչյան, «Հոգեգալստական շարժումը» (ղեկավար՝ Տ. Ղևոնդ քահանա Մայիլյան):